

CI.

Le Prince d'Orange à Wesenbeke. Il a reçu la nouvelle de la prise des [30] navires, par les Gueux, faite au voisinage de l'île de Tessel. Bodleian libr. Ms. St. Amand. 4 fol. 19.

1571, le 16^e Avril.

Wesenbeke, Ayant devant hier receu deux lettres vostres en ung mesme paquet, l'une du XXIX^e du passé et l'autre du ij^e de ce mois présent, je ne veulx délaissier de vous remerchier des advertences que vous me faictes par icelles lesquelles j'ay aussi en partie trouvé assez conformes à ce que l'on m'en avoit mandé d'autres lieux, signamment ce qui touche la prinse faite par mes batteaulx de guerre¹. Oircs que ne suis encoires au vray informé comment la chose soit passée, je voudroys que là et aultrepart le tout fusse conduit au plus grand avancement de la gloire de Dieu et du bien publicq car Dieu sçait, mon intention n'at jammais esté aultre, et ne sera tant et si longuement qu'il luy plaira me laisser la vie, pour se servir de moy à la deffence de sa juste querelle, et de tant de poures oppressez.

Il me déplaist grandement d'entendre derechief par voz lettres susdicts les fascheries que vous donne Nivelte², vous pressant pour le remboursement de 26 Thallers lesquelz toutesfois vous auriez employé par mon ordonnance pour le service de la cause commune. Parquoy je luy escrips suyvant vostre désir afin qu'il aye à superséder de telle poursuyte envers vous, ou me mande ses raisons à ce que tant mieulx y puisse estre pourveu devant que schandale ou inconvenient en advienne. Parquoy luy pourroz faire présenter mesdicts lettres que vont cy jointes, et me mander par après comment il

¹ „In de Maendt van Meerte hebben de WaterGousen wederom in Tessel dertich groote Schopen ghenomen.” V. Bor, 5e boek, f. 240 v

² Probablement Guill. de Zuylen de Nievelt, le même dont il est parlé dans Groen, Archives, IV, p. 93 note.

les aura goustées, et on quelz termes vous soyez avecq
luy, à ce que te puisse faire ultérieure instance vers
luy, s'il est besoing. Et sur ce je prie Dieu vous avoir
en sa sainte garde. Escript à Dillenberch ce XV^{je} jour
d'Avril 1571.

Vostre bon amy
GUILLAUME DE NASSAU.

*A Mre Jacques de Wesenbeke
Docteur en droict
mon bon amy.*

R. 22 Aprilis. Essen respondi 24^l.

